

PENGLIBATAN

*Pensyarah Pusat Pengajian
Sains Maklumat*

**DALAM
BENGKEL PEMURNIAN
PENULISAN
DAN ULASAN BUKU
SAMBUTAN ULANG TAHUN
KE-50 TAHUN
UITM CAWANGAN SARAWAK**

Penulis: Suriani Jack

Pada 7 Julai 2023, Pejabat Bahagian Jaringan Industri dan Penyelidikan, UiTM Cawangan Sarawak telah mengadakan bengkel penulisan dan ulasan buku sempena sambutan ulang tahun ke 50 tahun UiTM Cawangan Sarawak bertempat di Bilik Mesyuarat Utama, UiTM Cawangan Sarawak Kampus Samarahan. Bengkel ini melibatkan seramai 14 orang peserta yang terdiri daripada saya sendiri selaku ketua projek, penulis dan editor daripada pelbagai latarbelakang akademik dan kepakaran masing-masing termasuklah penglibatan terus Encik Sharin Bin Sulaiman, Puan Zainon Haji Bibi dan Cik Nor Hayati Kassim. Setiap seorang pensyarah PPSM ini telah diberikan tugas dan tanggungjawab masing-masing mengikut bab yang terdapat dalam buku tersebut. Dengan kepakaran dan pengalaman yang ada dalam bidang sains pengurusan maklumat, maka penghasilan buku ini semestinya mampu memuatkan maklumat yang berkualiti untuk rujukan generasi warga UiTM Cawangan Sarawak pada masa hadapan.

Bengkel yang diadakan selama sehari ini diadakan bertujuan untuk memastikan draf buku dapat disiapkan dalam tempoh masa yang diberikan sebelum buku ini disemak dan diulas selanjutnya oleh Yang Berbahagia Prof Dato Dr Haji Jamil bin Haji Hamali, Rektor UiTM Cawangan Sarawak sekembalinya



Aktiviti pemurnian penulisan dan ulasan buku sambutan ulang tahun ke 50 UiTM Cawangan Sarawak

beliau dari fardhu Haji pada bulan Julai 2023 ini sebelum dikemaskini lagi untuk proses yang seterusnya. Meskipun terdapat beberapa cabaran yang dihadapi, namun hal ini mengajar khususnya pensyarah PPSM tentang proses penting dalam penghasilan buku dan kriteria yang perlu di titik berat untuk menerbitkan bahan bacaan yang berkualiti.

Buku ini turut memuatkan perincian mendalam dari segi penceritaan tentang sejarah perkembangan UiTM Cawangan Sarawak seperti kerjasama strategik samada di dalam mahupun luar negara, perolehan geran, pengkomersialan produk, pencapaian, alumninya bermula dari tahun 1973 sehingga kini.

Bagi merealisasikan aspirasi penerbitan daripada draf sehingga terhasilnya buku ini, satu majlis makan malam iaitu Homecoming Dinner akan diadakan sempena Sambutan Ulangtahun ke 50 tahun UiTM Cawangan Sarawak di mana pelancaran rasmi dan penjualan buku ini akan dibuat pada malam tersebut.

Hasil jualan buku ini kelak akan disalurkan kepada Tabung Seri Kenyalang bagi membantu para pelajar UiTM Cawangan Sarawak yang memerlukan terutamanya daripada golongan B40.

Para pensyarah UiTM cawangan Samarahan yang terlibat dalam penulisan buku sambutan ulang tahun ke 50 UiTM cawangan Sarawak